



Aningaasaqarnermut Aatsitassanullu Naalakkersuisoq

Ulloq: 2. november 2015
J.nr.: 01.31.06/15-00697

Aningaasaqarnermut Akileraartarnermullu Ataatsimiititaliap pingasunngornermi ulloq 28. oktober 2015-imi aalajangiineranik Naalakkersuisunut ilisimatitsineq.

2015-imi immikkut ittunik aningaasartuuteqarsimanerup kinguneranik Nunanut Allanut Pisortaqarfimmut ilassutitut aningaasaliissuteqarnissamik qinnuteqaat - suliaq nr. 01.31.06/15-00697.

”Naalakkersuisut inassutigaat,

- konto pingaarnermi 27.01.01-imi, Nunanut Allanut Pisortaqarfimmut tunngasumi, aningaasaliissutit 800.000 kr.-nik amerlineqassasut,
- konto pingaarnermi 64.10.17-imi, Nunami inuussutissarsiutinut takornariartitsinermullu tapiissutinut tunngasumi, aningaasaliissutit 150.000 kr.-nik ikilineqassasut,
- konto pingaarnermi 64.10.22-imi, Imermik nilammillu avammut tuniniaanermut tunngasumi, aningaasaliissutit 50.000 kr.-inik ikilineqassasut,
- konto pingaarnermi 64.10.25-imi, Suliniutinut angisuunut tunngasumi, aningaasaliissutit 300.000 kr.-inik ikilineqassasut, aamma
- konto pingaarnermi 64.13.19-imi, Nuttarnerulestitsiniarluni aningaasaliissutinut tunngasumi, aningaasaliissutit 300.000 kr.-inik ikilineqassasut.”

Aningaasaqarnermut Akileraartarnermullu Ataatsimiititaliap oqaaseqaatai apeqqutaalu:

Apeqqu 1:

Konto pingaarnermi 64.10.25-imi, suliniutinut angisuunut tunngasumi, annertungaatsiar-tumik atuinikinnerunermut suna pissutaanersoq paasissutissiissutigineqassasoq ataatsimiititaliamit kissaatigineqarpoq.

Apeqqu 2:

Ataatsimiititaliamit ima paasineqassava avataanit pisortatigoortumik tikeraartoqarsinnaanerpup ilanngullugu missingersuutigineqarsimanninnera pissutigalugu COP 21-mi tassungalu atatillugu isumaqatigiinniarnissani peqataasinnaanani nalunaarnissaq Naalakkersuisunit illersorneqarsinnaasutut isigineqartoq? Ataatsimiinnerit naatsorsuutigineqanngitsumik aningaasartuutitut tassangaannaq takkuttutut isigineqarsinnaasut ataatsimiititaliamit naatsorsuutigineqanngilaq. Tamatumunnga Naalakkersuisut qanoq oqaaseqaatissaqarpat?

Apeqqu 3:


Konto pingaarnermi 64.10.17-imi atuinikinnerunissap naatsorsuutigineqarneranut inuussutissarsiutinik siuarsaasoqarnissanut aaqquissuussinernut arlalinnut ilanngaanissamut kiisalu 2015-ip sinnerani suliniutinut iliuuseqarfigineqareersunut allanut ataatsimut isigalugu tunu-

arsimaartoqarnera tunngavilersuutigineqarpoq. Tamatuma erseqqinnerusumik itisilerneqar-nissaa ataatsimiititaliamit kissaatigineqarpoq.

Aningaasaqarnermut Akileraartarnermullu Ataatsimiititaliap aalajangiinera

Allaffissornikkut nammineq periuserisaq pillugu eqqartuussissuserisup nassuiaasiornissaa nalinginnaasumik pisariaqartariaqanngikkaluartoq Aningaasaqarnermut Akileraartarner-mullu Ataatsimiititaliamit erseqqissarneqassaaq. Taamaattumillu aningaasanik naatsorsuu-tigineqarsimannigitsunik eqqartuussissuserisup nassuiaasiornieranut matussutissanik atuisa-riaqarnermut tunuliaqutaasoq uggornarpoq. Naalakkersuisut inassuteqaataat ataatsimiitita-liamit **akuerineqarsinnaapput**, tamannali uggornanngitsuunngilaq piumasaqaatigineqar-porlu apeqqutit ilanngunneqartut akineqarnissaat.

Med venlig hilsen



Jens Immanuelson
Formand for Finans- og Skatteudvalget